

نقود و قایع

مرجمی

تقوم وقایع نظارتی انضمامیه داخله نظارت
جلیه سی مستشار لیدر

اداره سی

باب عالی مطبوعات داخله دائره سیدر

شرائط اشترا واعلان

بوننامه

سنه کی بر عدد عثمانی لیراسی ، اتی ایلی اوج
عدد سیم مجیدیه در

اعوانات

دواتر رسمیه اعلاناتی درج ونشر اولنور

تکرار احداثی تاریخ ۱۳۰۸

تاریخ تأسیسی ۱۲۴۷

دَوْلَتِ عَلِيّهٔ عُثمَانِیّه نَزْدِ كِبَرِیّهٔ كَرِیْمِیّهٔ سَلْطَنِیّهٔ

نفسی ۲۰ باره در

بمعدوده ماعداد هر کوره نشر اولنور

نفسی ۲۰ باره در

قدیمی سرین

توجهات

ملکیه
(مأموریت)

انقره ولایتی داخلنده ایاش قضاسی قائم مقامانی
بکازاری قضاسی قائم مقامی حاجی مصطفی افندی به
ولایت مذکوره داخلنده بکازاری قضاسی
قائم مقامانی ایاش قضاسی قائم مقامی موسی کاظم
افندی به تفویض

(رتبه)

بصره ولایتی مشایخ معتبره سندن رفعتلو
لسیر الفصیل افندی به رتبه ناله توجه

علمیه

(پایه)

امین الفتوی سماحتلو افندی حضرت لری نیک
مخدومی فضیلتلو راشد افندی به مخرج پایه سی
توجه

عسکریه

(رتبه و مأموریت)

خاصه اردوی هایوننه منسوب دردیجی
سیار طوبیجی الینک ایکنجی طابوری بیکاشیسی
هنر تلو تیور بک اوچنجی اردوی هایوننه منسوب
اون التیجی واردوی هایون مذکوره منسوب
نقلیه طابوری بیکاشیسی هنر تلو عبداللطیف
بک اردوی مذکوره منسوب اون سکرنجی
سیار طوبیجی الیلرینک قائم مقامقلرینه

بشنجی اردوی هایوننه منسوب یکریمی سکرنجی
سیار طوبیجی الینک برنجی طابوری صاغقول
اغاسی رفعتلورائف افندی اردوی هایون مذکوره
منسوب یکریمی طقوزنجی سیار طوبیجی الینک
ایکنجی طابوری بیکاشیلقنه

اوچنجی اردوی هایوننه منسوب سیار
طوبیجی الیلرینده مستخدم طوبیجی صاغ قول
اغاسی رفعتلو محمد راشد افندی بشنجی اردوی
هایوننه منسوب یکریمی سکرنجی سیار طوبیجی
الینک برنجی طابوری بیکاشیلقنه
خاصه اردوی هایوننه منسوب اوچنجی سیار

طوبیجی الینک ایکنجی طابوری صاغ قول
اغاسی رفعتلو محی الدین افندی اردوی هایون
مذکوره منسوب بشنجی سیار طوبیجی الینک
ایکنجی طابوری بیکاشیلقنه

اردوی هایون مذکوره منسوب اوچنجی
سیار طوبیجی الینک برنجی طابوری صاغقول
اغاسی رفعتلو اسکندر بک اردوی مذکوره
منسوب دردیجی سیار طوبیجی الینک ایکنجی
طابوری بیکاشیلقنه

اردوی هایون مذکوره منسوب بشنجی
سیار طوبیجی الینک برنجی طابوری صاغقول
اغاسی رفعتلو سلیم افندی ایکنجی اردوی هایون
منسوب اوچنجی سیار طوبیجی الینک ایکنجی
طابوری بیکاشیلقنه

بشنجی اردوی هایوننه منسوب یکریمی
بشنجی سیار طوبیجی الینک ایکنجی طابوری
صاغقول اغاسی رفعتلو مصطفی افندی اردوی
هایون مذکوره منسوب اوچنجی سیار طوبیجی
الینک ایکنجی طابوری بیکاشیلقنه

خاصه اردوی هایوننه منسوب ایکنجی سیار
طوبیجی الینک ایکنجی طابوری صاغقول اغاسی
رفعتلو محمد فائق افندی ایکنجی اردوی هایون
منسوب اون ایکنجی سیار طوبیجی الینک برنجی
طابوری بیکاشیلقنه

خاصه اردوی هایوننه منسوب سواری
طوبیجی طابوری صاغقول اغاسی رفعتلو خورشید
افندی اردوی هایون مذکوره منسوب طوبیجی
برنجی نمونه الینک ایکنجی طابوری بیکاشیلقنه
نصب وتعیین

(رتبه)

مکتب اعدادی شاهانه داخله ضابطی
بیکاشیسی هنر تلو بهجت بک حسن خدمت وغیرتنه
مکافاة کماکان خدمت حالیه سنده استخدام اولنوق
اوزره قائم مقاماتق رتبه سی توجه بیورلمشدر .

نشان

المانیای دولت فخمیه سنک پرم سفارتی اتاشه
میلتری بیکاشیسی موسیو برناردی به اوچنجی
رتبه دن مجیدی
ترسانه عامره فابریقه لرمیدر معاونی میرالای
هنر تلو اسماعیل بک دردیجی رتبه دن مجیدی

اداره مخصوصه ماکنه و کوکرته انسپکتورلری
میرالای هنر تلو مصطفی وقائم مقام هنر تلو محمد
بکله دردیجی رتبه دن مجیدی

ایکنجی اردوی هایون مرکز خسته خانه سی
طیبب اولی میرالای هنر تلو مانولاک بک حسن خدمتنه
مکافاة بشنجی رتبه دن مجیدی نشان ذیشانلری
متوفی قانطونک مادامه سنه ایکنجی رتبه دن
شفقت نشان هایونی احسان بیورلمشدر .

اخلیت

(انشا)

جتمکان سلطان بایزید خان حضرتلری
تربه شریفلری دیوآرینک اتی بیک اوج یوز
کسور غروش صرفیله مجدداً انشا ومبلغ
مزبورک اوج یوز یدی سنه سی بودجه سی
ترتیندن تسویه ایفا ایلمسی خصوصه اوقاف
هایون نظارت جللیه سنک اشعاری وشورای
دولت قراری اوزرینه بالاستیدان امر واراده
سنه جناب خلایقناهی محیفه پیرای صدور
اولمشدر .

(تعمیر)

جتمکان بزم عالم والده سلطان حضرتلری
خیراتندن طوله بانچه ده واقع جامع شریفک
بعض محللرله فرسوده اولان مفروشاتک کشفی
موجبجه یدی بیک یدی یوز کسور غروش
صرفیله امانه اجرای تعمیری ومبلغ مزبورک
اوج یوز یدی سنه سی بودجه سی ترتیندن تسویه سی
خصوصه اوقاف هایون نظارت جللیه سندن
وقوعبولان اشعار وشورای دولتجه ویریلان
قرار اوزرینه بالاستیدان امر وفرمان هایون جناب
ظل الهی سانه آرای صدور اولمشدر .

(نقل)

ریزه رسومات مدیریتی ملحقانندن یالی بویی
کمرک دائره سنک بولندینی چلقنار نام محله چارشو
ویزار اولمدینی جهتله محل مذکوره وریزه
ایکی ساعات مسافده کائن مالیت ونام دیکرله
اریک دینلان لیمان موقی قصبه شکنده اولدیقندن
اداره نیک بموقعه نقلیه برابر تامین انضباط
ضمننده امثالی مثللو یوز الی غروش معاش
ایله برقولجی تعیننه شورای دولت قراریله

بالاستیدان مساعده سنه جناب جهانبانی ارزان
بیورلمشدر .

(تأمین انضباط)

اطنه ومعموره العزیز وبتلیس ولایتلرینده
حسب اللزوم ترتیب حاضر لرینه علاوه بش قومیسر
ایله اون درت پولیس نفرینک قید واستخداملری
خصوصه ضبطیه نظارت علیه سنک اشعاری ومجلس
مخصوص وکلا قراری اوزرینه لدی الاستیدان
امر وفرمان هایون جناب جهانداری سانه آرای
صدور اولمشدر .

(دردست)

جنایاتله مظنون اولوب وادی فرارده
بولسان اییش نام شتی ایله اوج نقر رفیقنک
دردست اولندینی ویکدیگری علیه بنده اجرای
مخاصمه ایده کمکه اولان کاخته قضاسنده کرکر
ناحیه سی عشریت رؤسائک میانه لری تألیف
وناحیه نیک اسایشی تأمین اولندینی وملاطیه ارمنی ملتی
معتبرانندن ادورافانک خانه سنه قونداق اتیه رق
براطه سنک سقنی محترق اولدینی حالده برطرفه
سرایت ایتمکسزین باصدیر یله رق متجاسری
بولنان ارمنیلرک دردستلریله تحقیقاتنه باقلدینی
ملاطیه متصرفلغندن کلان تلغرافنامه لرده
بیلدیرلیدیکی وسایه اسایشویه حضرت پادشاهیده
بوندن بشقه داخل ولایتده مغایر رضای عالی
برکونه وقوعات اولدینی هر طرفدن انسان
معلوماتدن اکلانشدینی معموره العزیز ولایتندن
مبعوث ۲۶ کانون اول سنه ۳۰۷ تاریخلو
تلغرافنامه دن مستبان اولمشدر .

(مواد صحیه)

جبل لبنان داخلنده صحت عمومیه نیک بحوله
تعالی حال خشنودیده اولدینی وعلل ساریه دن
برکونا اثر بولندینی متصرفلغندن چکیلان فی ۲۶
کانون اول سنه ۳۰۷ تاریخلو تلغرافنامه ده بیان
وازار قلنمشدر .

صوک قرق سکر ساعت ظرفنده دخی شامده
قولرا وقوعاتی اولمدینی سوریه ولایتندن مورود
فی ۲۶ و ۲۷ کانون اول سنه ۳۰۷ تاریخلو ایکی
قطعه تلغرافنامه دن اکلانشمشدر .